



JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIÁL

Komunikadu Imprensa

15 Janeiro 2013

JSMP simu fundus US\$ 275,000.00 husi UNDEF hodi promove asesu ba justisa iha Timor-Leste

Iha 2013 JSMP hetan ajudu husi UNDEF (The United Nations Democracy Fund) ho total orsamentu US\$275,000.00 ba tinan rua nian laran (2013-2014). Fundu ne'e sei apoia programa JSMP nian iha area promosaun asesu publiku ba sistema justisa formal.

Programa ne'e sei atinzi liuhosi hadi'ak koñesimentu no konfiansia publiku nian iha sistema justisa formal. Fundus ne'e aseguira programa JSMP nian iha futuru liuliu iha tinan rua oin-mai.

“JSMP sente orgullu tebes ho apoiu ne'e, tanba bele kontinua hametin liu tan servisu JSMP nian hodi tau matan ba funsionamentu sistema justisa no demokrasia iha Timor-Leste,” dehan Luis de Oliveira Sampaio, Diretór Ezekutivu JSMP.

Fundus ne'e sei suporta JSMP nia Unidade Peskiza Legál no Programa Observasaun Parlamentu atu monitoriza tribunál sira no Parlamentu Nasionál.

Aleinde ne'e sei apoia mos programa edukasaun legál ba comunidade rural sira iha distritu 6 - Ainaro, Baucau, Ermera, Liquiça, Manufahi no Oe-Cusse. JSMP fiar katak ho apoiu ne'ebé UNDEF investe ba JSMP sei ajuda diak liu tan servisu JSMP nian iha tinan sira tuir mai atu promove justisa ba ema hotu.

Atu hetan informasaun kle'an favor kontaktu direktamente;

Luis de Oliveira Sampaio
Diretór Ezekutivu JSMP
Diresaun e-mail: luis@jsmp.minihub.org
Telefone: 3323883/77295795
website: www.jsmp.tl